

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA INVESTICIJE I POSLOVE MJESNIH ZAJEDNICA

Broj: 03-04-4184/21
Lukavac, 29.12.2021. godine

Na osnovu člana 64. stav (1). tačka a), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) te Preporuke Komisije za provođenje postupka javne nabavke broj: 03-04-4184/21 od 28.12.2021. godine u otvorenom postupku javne nabavke radova na uređenju parkovske površine (izgradnja dječijeg igrališta) ispred JU za odgoj i obrazovanje djece predškolskog uzrasta Lukavac Pomoćnik općinskog načelnika za Službu za investicije i poslove mjesnih zajednica d o n o s i

O D L U K U
o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 03-04-4184/21 od 28.12.2021. godine i ugovor dodjeljuje se ponuđaču "S.E.-Sarajka" d.o.o. Živinice ponuda broj: S-1590 od 08.11.2021. godine, za ponuđenu cijenu u vrijednosti od 198.263,91 KM bez PDV-a, kao najpovoljnijem ponuđaču.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 03-02-4183/21 od 14.10.2021. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 160.000,00 KM.

Obavještenje o nabavci broj: 719-1-3-117-3-159/21 objavljeno je na Portalu javnih nabavki dana 18.10.2021. godine.

Komisija za provođenje postupka nabavke imenovana Rješenjem broj: 02-04-75-84/21 od 20.10.2021. godine dostavila je ugovornom organu-Pomoćniku općinskog načelnika za Službu za investicije i poslove mjesnih zajednica Zapisnik o pregledu i ocjeni ponuda broj: 03-04-4184/21 od 28.12.2021. godine, Preporuku o izboru najpovoljnijeg ponuđača broj: 03-04-4184/21 od 28.12.2021. godine i Izvještaj o radu broj: 03-04-4184/21 od 28.12.2021. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije ponude;

- da su blagovremeno primljene dvije ponude;
- da nije bilo neblagovremeno primljenih ponuda;
- da ponuda Grupe ponuđača: "Tim Fleš" d.o.o. Lukavac i "GLOVIS" d.o.o. Zenica nije kvalifikovana iz sljedećih razloga:
 - u obrascu za cijenu ponude (prilog 2) na strani 31. ponude pod 6. za rok važenja stoji 30 (trideset) dana što nije u skladu sa tačkom 23. tenderske dokumentacije i
 - u sastavu ponude nije dostavio original Garanciju za ozbiljnost ponude kako je traženo tačkom 29. tenderske dokumentacije.

Ponuda Grupe ponuđača: "Tim Fleš" d.o.o. Lukavac i "GLOVIS" d.o.o. Zenica ponuđača se odbacuje na osnovu člana 60. stav (1) Zakona o javnim nabavkama („Službeni glasnik BiH“ broj:39/14) i člana 68. stav (4) tačka b) Zakona o javnim nabavkama („Službeni glasnik BiH“ broj:39/14), a u vezi sa tačkom 23. i tačkom 29. tenderske dokumentacije.

- da je ponuda ponuđača "S.E.-Sarajka" d.o.o. Živinice kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Komisija je konstatovala da je za ovu nabavku planiran iznos od 160.000,00 KM bez PDV-a, a da je vrijednost ponude ponuđača "S.E.-Sarajka" d.o.o. Živinice iznosi 198.263,91 KM bez PDV-a, odnosno da cijena najniže prihvatljive ponude prelazi iznos sredstava obezbijeđen za ovu nabavku. Obzirom na navedeno, Komisija se pismenim putem obratila ugovornom organu da isti utvrdi da li postoji mogućnost povećanja budžeta u vrijednosti od 38.263,91 KM bez PDV-a i dodijele ugovora.

Komisija je od ugovornog organa zaprimila Odgovor br: 03-04-4184-1/21 od 15.12.2021. godine u kojem stoji da je traženi iznos obezbijeđen budžetom općine Lukavac, ekonomski kod 821611-„Uređenje parkovske površine ispred obdaništa“ a na osnovu dopisa zaprimljenog od „GIKIL“ doo Lukavac broj: 960-12-02/21 od 13.12.2021., te Aneksa na sporazum o saradnji broj 02-11-2947/21 od 23.07.2021. godine u kojem se ova kompanija obavezuje doznačiti sredstva neophodna za realizaciju projekta.

Kriterij za dodijelu ugovora ekonomski najpovoljnija ponuda sa podkriterijima cijena 98% i rok plaćanja 2%.

Ponuđač "S.E.-Sarajka" d.o.o. Živinice dostavio je prihvatljivu ponudu sa cijenom od 198.263,91 KM bez PDV-a i rokom plaćanja 60 (šezdeset) dana koja je u odnosu na kriterij za dodjelu ugovora ocijenjena kao najpovoljnija.

Iz navedenih razloga, primjenom člana 64. stav (1) tačka a) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac-Služba za investicije i poslove mjesnih zajednica, Trg Slobode 1, 75300 Lukavac. Žalba se podnosi u najmanje tri primjerka.

POMOĆNIK OPĆINSKOG NAČELNIKA
ZA SLUŽBU ZA INVESTICIJE POSLOVE MJESNIH ZAJEDNICA
(ovlaštenje broj: 02-30-6245/20 od 21.12.2020. godine)

Emir Begić, dipl.ecc.



Dostaviti:

1. "S.E.-Sarajka" d.o.o. Živinice
2. Grupa ponuđača: "Tim Fleš" d.o.o. Lukavac i "GLOVIS" d.o.o. Zenica
3. Arhivi-